



文庫 17
W72
8



元詩別裁集卷七

姚培謙述齋

雲間張景星二銘點閱

王永祺補堂

五言排律

寄舒真人

馬祖常

金闕來華蓋。琳壇集羽衣。石因鍾乳臆。
松為茯苓肥。劑墨香翻杵。修琴玉布徽。

元詩別裁集卷七五排

昭和六十年二月一日
上海圖書館藏
寄贈

010485194308

天低臨象緯。日近逼光輝。竹裏開長逕。
池邊蔽小扉。紅迷霞綺錯。綠漲水環圍。
仙杏葩凝赤。蟠桃萼剪緋。龍來還獨宿。
鶴去更知歸。割蜜蜂先避。銜書鳳自飛。
祠雷陳古磬。符鬼掣靈旂。丹井泉偏冽。
銅盤露未晞。俗人那得識。詩客盡相依。
伊我逢休澣。從茲詠浴沂。憑師消鄙吝。
猶可採山薇。

送華山隱之宗陽宮

江閣魚龍近。山房霧雨多。地清天不暑。
池曲水無波。筍籜迎書帶。櫻桃送錦窠。
呦呦呼伴鹿。唼唼換經鵝。養素行編屨。
乘閒坐織蓑。幾篇餐玉法。一帙醮星科。
香地沉銀葉。衣裾佩紫荷。丹光留海月。
絳景出松蘿。醉憶泉浮乳。幽憐石爛柯。

神君攀綠桂。天女踏青莎。邀客登山頂。
尋真入澗阿。洞簫吹道曲。雲紙寫魚歌。
予髮今如此。君心可奈何。高談見明月。
為我問娑羅。

春晚喜晴

楊載

積雨俄經月。新晴始見春。蒼苔侵別墅。
綠水過比鄰。性僻居宜遠。身閑景易親。
無詩排世界。有酒縱天真。循圃花粘屐。
漸喜漁樵狎。仍欣鳥雀馴。幽情延薄莫。
浩思集清晨。養拙元非病。為文敢自珍。
杜門緣底事。作計懶隨人。

答無住和太初韻見寄

宋无

寶地人來少。樾陰自晚晴。片雲依石潤。
孤磬出花清。竹筧分泉細。檀煙上氳輕。
勒銘留水寺。應供宿江城。適楚濤喧定。

歸吳雪滯行雨苔粘凍屐廊葉覆閒秤
琴為蛇紋買書因鳥跡評眼高無佛祖
詩癖有山兄句妙唐風在心空漢月明
晝禪休樹影夜梵雜松聲夏減遊方興
秋添住岳情何時修白業去結嬾殘盟

陪趙公子遊蔣山即席次李五峰

韻 陳旅

弄權丹陽郭鳴鞭白下山晴原煙翳翳

幽樹鳥關關石液玻璃碧雲根瑪瑙般
佛巖聞細菊僧徑入叢菅雨洗川容淨
潮隨野色還六朝有遺事盡在夕陽間

八月六日丁亥釋奠孔子廟三十

韻

周伯琦

闕里宣尼宅儒林禮樂區右文昭代盛
報德聖恩殊天語頒中禁星軺發上都
內廷香繞案光祿酒浮壺持節慚專對

元詩別裁集卷七五排四

于原慎載驅秋陽稀稼穡畫路足槐榆
歷歷由沂汶行行望泗洙岱宗標近甸
魯殿沒荒蕪不見三家采唯餘五父衢
祀嚴柔日逼林近絕晨趨廢堞依修阜
危臺記舞雩廟宮參象緯書閣罄城闕
反宇周阿峻迴廊百步紆蛟鱗蟠玉柱
螭首嚮金鋪庭迴檜千尺壇虛杏數株
省牲新雨露釋奠舊章敷闔戶陳籩俎
登歌應珥笄尊居名聖儼侑食列賢俱
興俯鏘珩佩周旋謹履約裸將宸意達
祝告下誠孚明燎輝雲陛祥熏集寶爐
共觀周典禮寧數漢規摹似續於今盛
欽崇自古無繚垣隆象魏宵石峙龜趺
孤閣青編貯雙燕翠竹扶山川光拱揖
泉井澤沾濡推本尊師道題名述廟謨
佇看茂東帛豈復歎乘桴制作先東魯

朝廷用大儒。愚生深有幸。歸上孔林圖。

題馬洲書院并序 王逢

馬洲書院者。孔聖五十二代孫元虔
昆季所建也。其五世祖若罕。高抗不
羣。長于春秋。當宋南渡。自關里將之
衢。留滯泰興。見河流達南江。詢之老
人曰。此龍開河也。西北通淮泗。因嘆
曰。吾洙泗龍泉之支流。其在茲乎。遂

築室河上。與其子端志。各授弟子業。
從遊日衆。乃有畱田百畝。人助以力。
官復其稅。戒子孫治生。勿求富。讀書
勿求榮。邑大夫嘉之。易名龍開河曰
敷教。示崇化也。年六十卒。葬河之陽。
端志克守父道。薦辟不就。淳祐元年
冬。邑燬於北兵。元虔辟地是洲。咸淳
間。書院落成。教授復如初。然皆無後。

今崇聖寺旁。惟破屋蔓草。遺像瓦爐而已。逢懼變遷。殆盡。故叙其概於壁間。庶後之起廢者。得以考焉。詩曰。蚪蚪秦。皆廢靈光。魯獨存。豆。邁。漂。海。國。丹。雘。暗。淮。邨。苔。蘚。花。侵。礎。蒲。蘆。葉。擁。門。青春深霧。潦白日老乾坤。德化三王並。威儀百代尊。郊麟初隱遁。野兕遂崩奔。先輩俱冥漠。諸生罷講論。斷編塵樹冷。

遺像網蟲昏。盡變衣冠俗。終歸禮義源。江南遊學士。瞻拜敢忘言。

翰苑薦為應奉文字二十韻謝大

司徒并呈諸學士 陳孚

天上金鑾客。人間第一流。贊為唐內相。禹拜漢元侯。鯤海三千水。龜峰十二樓。月寒紅燭夜。風淡紫薇秋。鳳誥窺姚姒。麟編振魯鄒。佩隨宮漏遠。衣染御煙浮。

淑氣騰金碧。祥光射斗牛。焜煌青瑣闥。
縹緲紫霞洲。瑪瑙濡堯甕。珊瑚耀漢鈞。
駟蹄中禁金。豹尾上方騶。僕本師黃卷。
生惟伴白鷗。親庭雙鶴髮。家事一漁舟。
偶預天官選。來為帝里遊。綠章蒙獨薦。
青史許同修。故郡驚王勃。新豐異馬周。
隊隨魚圉圉。角喜鹿呦呦。勢似飛三鳳。
功如輓萬牛。桑榆終有望。葑菲未為愁。
國士因難報。書生志易酬。誓堅冰雪操。
正色替皇猷。

奉送送無善御史赴河南憲僉十

二韻

傅若金

聖治尊儒術。賢才翼帝躬。立朝防觸豸。
行路避乘驄。復道河南去。先悲冀北空。
激揚元自任。出處豈謀同。地絕看持節。
天長惜轉蓬。繡衣今日把。尺素幾時通。

元詩別裁集卷之五排

別酒花開裏。征帆木落中。薊門縣夜月。
梁苑度秋風。古縣藤蘿碧。霜林果蕊紅。
咨詢行每徧。閑暇賦能工。白日明高岳。
黃河繞故宮。登臨興何限。題寄北飛鴻。

登岳陽樓

馳傳自青天。憑高憶往年。闌干映水迴。
埤垓與雲連。江合沅湘大。山侵楚蜀偏。
蜃郎通判井。龍女宅重淵。日月鴻濛裏。
風沙浩蕩前。驪珠秋後冷。犀火夜深燃。
張樂猶疑奏。乘槎欲並仙。登臨停去騎。
寵餞惜離筵。地氣南交接。天文北極懸。
賦慚王粲作。詩擬杜陵傳。渺渺衡陽雁。
迢迢浪泊鳶。早春回漢節。應得汎湖船。

上執政四十韻

雅琥

聖主飛龍日。求賢似拾珍。典謨皆故老。
登用必元臣。日月當黃道。風雲擁紫宸。

華封歸帝力。壽域固吾民。旭旭時將旦。
熙熙物自春。唐虞風未遠。鄒魯俗還淳。
往者三靈墜。扶持賴有人。新鯨清海沸。
鍊石補天迤。工鯨趨刑辟。臯夔起隱淪。
明公辭政義。首詔趣裝頻。渴慰蒼生望。
飢憐赤子貧。朝陽先覩鳳。春歷正書麟。
總代天成化。俱為政入神。五朝居輔弼。
三世掌經綸。皇眷恩波潤。予功德澤均。

房謀燕杜漸。蕭律繼曹遵。歷法義經秘。
書文韻篆新。山河由秉筆。社稷在垂紳。
衆水宗南渤。諸星拱壯辰。濟為舟楫重。
任託股肱親。玉燭調元氣。金樞運大鈞。
都俞聞密贊。諫論喜重陳。聲教流沙外。
謳歌碣石濱。烏臺分繡斧。鳳詔繼華茵。
練達時無匹。公忠世絕倫。棟梁支大厦。
柱石表重闈。天下皆桃李。人間競棘榛。

中台方正席東閣。又延賓。有客懷吾道。無媒致此身。窮經甘寂寞。抱拙忍酸辛。虎榜叨前列。鷓鴣接後塵。郎潛嗟咄咄。吏隱歎逡逡。十口長為旅。三年屢卜隣。稻粱猶不足。抱負豈能伸。養母留甘旨。居官守誨諄。正言期董賈。枉道恥儀秦。草芥難終棄。芻蕘尚可詢。修塗多駿足。涸轍有潛鱗。未遂風雲信。猶霑雨露仁。天瓢能一滴。只尺是通津。

次宋編修顯夫南陌詩四十韻

李裕

塵質過邯鄲。春風直幾錢。送情憐眼艷。凝此覺牙偏。霞澹斜侵雅。雲輕巧襯蟬。芳金搖萃勒。暖玉藉絨鞦。臉媚風初信。眉彎月未弦。綠深芳草雨。紅綻碧桃天。却扇羞花落。褰裳妬酒翻。關心時淺笑。

憶別自微言。條脫濃香暖巾纓。膩粉斑
幽期祇寄約私語。每防閑田木須連理。
吳梅易引延。襦長腰並柳襪。小步移蓮。
枕障熏沉水。屏圍画遠山。體輕嫌蔽膝。
指嫩瑩。彊環悵蕩。元非醉。朦騰不為眠。
繡盤花。猗儺錦就字。河聯鎖合沉魚夕。
箏閑少雁寒。美人何杳杳。良夜獨漫漫。
乍見都疑夢。相逢信契仙。憐才多婉婉。

倚態轉翩妍。璧月紅窓外。銀河碧樹邊。
幔輕雲影動。簾靜浪紋懸。裙薄綃長皺。
裊重錦未薦。妝臺宜向日。舞袖欲隨煙。
雞舌遙聞韻。猩唇狀授餐。深衣留唾碧。
繫帛表心丹。只憶愁腸斷。寧知別緒牽。
寶釵分鳳翼。真鈿合寄龍團。紅豆膏凝篋。
文鷄繡作繁。淒迷千日酒。惆悵五雲軒。
楚女窺牆日。文園病渴年。合歡連組帶。

解佩雜芳。荃纓斷。風前燭香。偷別後。迢
 額黃。紅粉澹。淚顚紺珠。鮮苔迹。和塵印。
 花陰帶露穿。時時傷往事。故寄新篇。
 人去愁千疊。心傷恨萬端。蝶晴隨絮遠。
 鴛鴦。曉怨春殘。夢好心多。感情深。意已傳。
 蘼蕪空滿地。欲贈思依然。

元詩別裁集卷八

姚培謙述齋

雲間張景星二銘點閱

王永祺補堂

五言絕

山居雜詩

元好問

瘦竹藤斜挂。叢花草亂生。
 林高風有態。苔滑水無聲。

樹合秋聲滿。邨荒暮景閒。虹收仍白雨。
雲動忽青山。
川迴楓林散。山深竹港幽。疎煙沉去鳥。
落日送歸牛。
鷺影兼秋靜。蟬聲帶晚涼。陂長留積水。
川濶盡斜陽。

溪邊釣船

牟巖

莫出前溪去。隨宜下釣鉤。風波苦不惡。
鱸鯪滿船頭。

和歐陽南陽月夜思

揭傒斯

月出照中園。鄰家猶未眠。不嫌風露冷。
看到樹陰圓。

過高郵射陽湖

陸都刺

飄蕭樹梢風。淅瀝湖上雨。不見打魚人。
菰蒲雁相語。

言另表集 卷八 二

秋風吹白波。秋雨鳴敗荷。平湖三十里。過客感秋多。

泊舟 龔璠

小舟尋夜泊。明月散風灑。故人相別處。雙鷺立前灘。

種筆亭題畫 高克恭

積雨暗林屋。晚峰晴露巔。扁舟入蘋渚。浮動一谿煙。

陽春曲 郭翼

柳色青堪把。櫻花雪未乾。宮中裁白苧。猶怯剪刀寒。

七言絕

杏花雜詩 元好問

杏花牆外一枝橫。半面宮妝出曉晴。看盡春風不回首。寶兒元自大慈生。嫋嫋纖條映酒船。綠嬌紅小不勝憐。長

元詩別裁集 卷八 七絕 三

年自笑情緣在。猶要春風慰眼前。

楊柳

楊柳青青溝水流。鴛兒調舌弄嬌柔。桃
花記得題詩客。斜倚春風笑不休。

榆社硤口郵早發

瘦馬長途嬾着鞭。客懷牢落五更天。幾
時不屬雞聲管。睡徹東窗日影偏。

同兒輩賦未開海棠二首

翠葉輕籠豆顆勻。胭脂濃抹蠟痕新。般
勤留著花梢露。滴下生紅可惜春。
枝間新綠一重重。小蕾深藏數點紅。愛
惜芳心莫輕吐。且教桃李鬧春風。

過雲臺

李俊民

夜半風吹霽色開。曉來殘月過雲臺。連
山斷處瞰平野。一綫黃流掌上來。

雨後

元詩別集卷八
四
春空靄靄暮雲低。飛過山前雨一犁。明日却尋歸去路。馬蹏猶踏落花泥。

下山

劉因

翠霞騰暈紫成堆。收盡雲煙酒一杯。想見浮嵐在眉宇。人人知道看山回。

春晚雜興

方回

芳草茸茸沒屨深。清和天氣潤園林。露微小雨初晴處。暗數青梅立樹陰。

江邨

黃庚

極目江天一望餘。寒煙漠漠日西斜。十分春色無人管。半屬蘆花半蓼花。

過濟源登裴公亭用閒閒老人韻

耶律楚材

山接青霄水浸空。山光灑灑水溶溶。風迴一鏡揉藍淺。雨過千峰潑黛濃。

溪上

劉秉忠

元詩別集卷之八
五
蘆花遠映釣舟行。漁笛時聞三兩聲。
一。陣。西。風。吹。雨。散。夕。陽。還。在。水。邊。明。

城西遊

昨朝信馬鳳城西。鞭約垂楊過小隄。春
色滿園花勝錦。黃鸝只揀好枝啼。

宿卓水

許衡

寒缸挑盡火重生。竹有清聲月自明。一
夜客牕眠不穩。却聽山犬吠柴荆。

春閨

元淮

杏花零落燕泥香。閒立東風看夕陽。倒
把鳳翹搔鬢影。一雙蝴蝶過東牆。

絕句

趙孟頫

春寒惻惻掩重門。金鴨香殘火尚溫。燕
子不來花又落。一庭風雨自黃昏。

東城

野店桃花紅粉姿。陌頭楊柳綠煙絲。不

因送客東城去。過却春光總不知。

莫春

趙雍

綠陰庭院碧窗紗。半卷珠簾映晚霞。芳
草萋萋春寂寂。東風吹墮落殘花。

初秋夜坐

月明如水侵衣濕。臺榭沉沉秋夜長。坐
久高僧禪語罷。澹然相對玉簪香。

晚訪仲章不遇

袁楠

小院春濃落照間。碧篁相對乳禽還。晚
風陣歇遊絲盡。留得歸雲在屋山。

琳宮詞次安南王韻

許有壬

涼入簾幃夜色輕。瑤臺添月更虛明。一
壺天地渾無迹。只有清風動竹聲。

宿浚儀公湖亭

楊載

兩兩三三白鳥飛。背人斜去落漁磯。兩

餘不遣濃雲散。猶向前山擁翠微。

遊南臺閩粵王廟 范梈

海角釣龍人杳杳。雲間待雁路迢迢。若
為借得山頭石。每到高秋坐看潮。

上元日

蓬萊宮闕峙青天。後內看燈記往年。誰
念東籬山下路。再逢春月向人圓。

京城雜詠

歐陽系

奉詔修書白玉堂。朝朝騎馬傍官牆。誰
河東畔垂楊柳。時有鶯聲似故鄉。

贈彈筆者

薩都刺

銀甲彈冰五十絃。海門風急雁行偏。故
人情怨知多少。揚子江頭月滿船。

秋夜聞笛

何人吹笛秋風外。壯固山前月色寒。亦
有江南未歸客。徘徊終夜倚闌干。

道過贊善庵

夕陽欲下少行人。綠徧苔茵路不分。修竹萬竿松影亂。山風吹作滿窓雲。

山中

宋元

半嶺松聲樵客分。一溪春草鹿成群。採芝人入翠微去。舟竈石壇空白雲。

春歸

釀蜜銅香蜂報衙。杏梁泥歇燕成家。浮萍斷送春歸去。盡向東流載落花。

漁翁

周權

轉樵收緜日未西。短篷斜閣斷沙低。賣魚買酒歸來晚。風颭蘆花雪滿溪。

晚渡

離離野樹綠生煙。灼灼山花爛欲然。酤酒人歸春渡寂。柳根閑繫夕陽船。

沙湖晚歸

朱德潤

元詩別裁集卷八
九
山。楚。低。迴。落。雁。斜。炊。煙。茅。屋。起。平。沙。櫓。聲。歸。去。浪。痕。淺。搖。動。一。灘。紅。蓼。花。

幽居

洪希文

投老安閒世味疎。深深水竹葺幽居。林頭昨夜風吹落。多是經年未報書。

題敗荷

王翰

曾向西湖載酒歸。香風十里弄晴暉。芳菲今日凋零盡。却送秋聲到客衣。

寄金山普衲

鄭元祐

金鰲背上鬱藍天。長有神龍衛法筵。午夜江聲推月上。浪花如雪寺門前。

六月五日偶成

倪瓚

坐看青苔欲上衣。一池春水靄餘暉。荒邨盡日無車馬。時有殘雲伴鶴歸。

泊垂虹橋口占

顧瑛

三江之水太湖東。激浪輕舟疾若風。白

鳥羣飛煙樹末青山都在雪花中。

發閩門

閩門西去是陽關。疊疊秋風疊疊山。便是早春相別處。如今楊柳不堪攀。今春送于

外史歸越上

博浪沙

陳孚

一擊車中膽氣豪。祖龍社稷已驚搖。如何十二金人外。猶有民間鐵未銷。

過信州

高克恭

二千里地佳山水。無數海棠官道傍。風送落紅攬馬過。春風更比路人忙。

宿焦山上方

郭天錫

揚子江頭風浪平。焦山寺裏晚鐘鳴。爐煙已斷燈花落。喚起山僧看月明。

回雁峰

傅若金

江上青峰宿雨開。江頭歸使日南來。登

高欲訪平安字。二月衡陽雁已回。

李

琵琶引

王士熙

瓊花春島百花香。太液池邊夜色涼。一曲六么天上譜。君王曾進紫霞觴。

龍柱雕犀錦面妝。春風一抹綵絲長。新聲不用黃金撥。玉指蕭蕭弄晚涼。

鸞輿五月幸龍岡。宣喚新聲促曉妝。撥斷冰絃秋滿眼。塞天雲碧草茫茫。

越羅蜀錦舊衣裳。贏得旁人識賜香。莫對琵琶思往事。聲聲彈出斷人腸。

畫竹

吳鎮

長憶前朝李荊邱。墨君天下擅風流。百年遺蹟留人世。寫破湘潭夢裏秋。

題畫

黃公望

茂林石磴小亭邊。遙望雲山隔澹煙。却憶舊遊何處是。翠蛟亭下看流泉。

海子上有期

黃清老

金隄晴日共鳴鑣。傾蓋松陰待早朝。數
盡荷花數荷葉。碧雲移過水東橋。

梅花

王冕

三月東風吹雪消。湖南山色翠如澆。一
聲羌管無人見。無數梅花落野橋。

次韻陸友仁吳中覽古

郊韶

赤闌橋下記停橈。細雨菰蒲響莫潮。說
與行人莫回首。故宮烟柳正蕭蕭。

暮春二首

貢性之

吳娃二八正嬌容。鬪草尋花趁暖風。日
暮歸來春困重。鞦韆間在月明中。

惜花公子愛春晴。駿馬驕嘶曉出城。半
醉歸來人共看。笑將金彈打流鶯。

題菜

西風吹動錦爛斑。曉起窺園露未乾。三日宿醒醒不得。正思風味到辛盤。

湧金門見柳

湧金門外柳垂金。三日不來成綠陰。那取一枝入城去。使人知道已春深。

寄友

朱希晦

雨過溪頭鳥篆沙。溪山潑處野人家。門前桃李都飛盡。又見春光到練花。

秋夜

曹之謙

寂寂江城夜向闌。西風吹雁叫雲端。一聲遠過南樓去。月滿碧天秋水寒。

和郭安道治書韻 周 馳

西風吹起白頭波。半夜扁舟掠岸過。不向長橋沽一醉。滿天明月奈秋何。

詠鶴

繆 鑑

青山修竹矮籬笆。髣髴林泉隱者家。酷

愛綠牕風日美鶴梳輕毳亂楊花。

浪直贈月

柯九思

西華門外上驄驕。新賜羅衣退晚朝。繡
枕魂清疎雨暮海棠銀燭度春宵。

小橋

彭炳

落花如雪馬蹄香。幾樹黃鸝欲斷腸。行
到小橋春影碧。一溝晴水浸垂楊。

次友人春日見寄韻

汪澤民

清景行行一徑苔。蘭樽特為晚春開。綠
陰青紫猶堪賞。昨日游人自不來。

寄紹興呂左丞

陳秀民

後來江左英賢傳。又是淮西保相家。見
說錦袍酣戰罷。不驚越女采荷花。按錄
云張氏據有平江部將呂珍守越參軍
陳庶子饒介之在左右一日陳賦此詩
饒染翰題肩以寄呂詞翰雙絕呂倩人
誦罷大怒曰我為主入血戰守封疆豈

元詩別裁集

愛一女子不忍驚
乎見則必殺之

暮春即事

高明

楊柳樓前白鼻騮。金鞍被了喚名娃。重
簾深處無風雨。肯信春寒瘦杏花。

經杜樊川水榭故基

周砥

落花風裏酒旗搖。水榭無人春寂寥。何
許長亭七十五。野鶯煙樹綠迢迢。終

元詩別裁集補遺

姚培謙述齋

雲間張景星二銘點閱

王永祺補堂

五言古

慶壽僧舍即事

趙孟頫

白。雨。映。青。松。蕭。颯。灑。朱。閣。稍。覺。暑。氣。銷。
微。涼。度。疎。箔。客。居。秋。寺。古。心。跡。俱。寂。寞。

元詩別裁集補遺五言古

夕蟲鳴階砌。孤螢炯叢薄。展轉懷故鄉。
時聞風鳴鐸。

明月幾回滿

范曄

明月幾回滿。待君君未歸。中庭步芳草。
蝴蝶上人衣。誰念同袍者。閑居與碩蓮。
寄題馮掾東臯園亭

揭傒斯

時雨散繁綠。緒風滿平原。與言莫君子。
退食在邱園。出應當世務。入詠幽人言。
池流澹無聲。畦蔬蔚葱芊。高林麗陽景。
羣山若浮烟。好鳥應候鳴。新音和且閑。
時與文士俱。消遙農圃春。理遠自知簡。
情忘可避喧。庶云保貞和。歲暮委周旋。

西峴峯

黃潛

層雲抱春城。急瀨洩嵌竇。修蹊入窈窕。
衆綠鬱以茂。名亭標水樂。折柱荒碑仆。

幽尋得緇廬。亂石扶結構。青精午堪飯。
碧澗寒可漱。平生慕真賞。及此成邂逅。
冥探指頂絕。有路忽通透。緣蘿度蒙密。
翠氣溼衣袖。寄身沈寥內。下晚人寰陋。
清謳雜風竹。大嘯落巖狖。東峰在眉睫。
可望不可就。同遊却何時。瑤草春已秀。

夜興

秋氣入病骨。殘夢倏然驚。芭蕉葉間露。
風過皆成聲。攬衣沈寥內。搔首天河橫。
飢蟲語不休。中宵誰汝令。孤鴻亦何苦。
犯霜度微明。悠悠念羣動。百感忽我并。
大化倘不爾。吾其免營營。

李老谷

緣崖一徑微。入谷雙崦窄。密林日易昏。
况乃雲雨積。行人望烟火。客舍依山色。
家僮為張燈。野老煩避席。未覺風俗殊。

祇驚關河隔。嚴程不可緩。子規勿勸客。

赤城

雞鳴秣吾馬。晚飯山中行。何以慰旅懷。
赤城有嘉名。灘長石齒齒。樹細風泠泠。
時見巖壁間。粲若丹砂明。溫泉發其陽。
撫訶勒百靈。前峰指金閣。真境標殊庭。
白道人跡稀。青崖雲氣生。信美無少留。
緬焉起深情。

擔子窪

自從始出關。數日走崖谷。迢迢度偏嶺。
險盡得平陸。陂陀皆土山。高下紛起伏。
連天暗豐草。不復見林木。行人烟際來。
牛羊雨中牧。颯然衣裳單。咫尺異寒燠。
佇立方有懷。相逢仍問俗。畏途宜疾驅。
更傍灤河宿。

題清華亭

元詩別集卷之二 不遺
名區滙修渚。流望依平陸。飛雨天際來。
遠峰淨如沐。生香餘晚花。繁陰藹嘉木。
秀色坐可攬。終然不盈掬。觸景幽興多。
接物道機熟。誰能與之游。食芳飲山渌。

曉行湖上

曉行重湖上。旭日青林半。霧露寒未除。
晃翳靜初散。蜃綠際餘景。閃倏多遺玩。
會心乍有得。撫已還成歎。夙寸丹霞約。
久茲芳洲畔。獨往願易違。雜居歲方換。
沙。曠。茁。芽。動。春。遠。川。華。亂。存。期。乃。寐。寔。
取。適。豈。爛。漫。小。隱。倘。見。招。漁。樵。共。昏。旦。
袁伯長侍講伯生伯庸二待制同
赴北都却還夜宿聯句歸以示予
次韵效體發三賢一策

柳貫

杜詩詫蜀險。高有石櫃閣。安知居庸口。

可掠太白脚。馬行已崇顛。鳥度尚層壑。
 林蹊曠迷轍。崖井荒鴛幕。俯疑日沈車。
 闕若風鼓橐。元雲修揚襖。朱霞粲塗鞞。
 數驛程匪賒。嚴裘寒更薄。客魂逢酒消。
 鬼膽因詩愕。蟠木將為容。胡繩未宜索。
 嚴色戒晨趨。澄旻際秋廓。紫薇晶煥爛。
 瀚海氣冥漠。腰無兩鞬屬。道有五丁鑿。
 拜轡誰所援。還衡猶屢錯。小息樹吟旌。
 爭先厲詞鏗。非開石首筵。似聽郾城柝。
 臣敵無前劫。偏師當後却。

秋夜和韓與玉

貢師泰

齋居在城西。庭戶頗幽敞。涼風起高樹。
 落葉時時響。境靜人少來。理悟心自賞。
 方忻結同盟。慎勿成獨往。

李老谷

廼賢

高秋遠行邁。入谷雲氣暝。稍稍微雨來。

元詩別表集 卷二 不遠
漸怯衣裳冷。紫紵青嶠窄。杳靄烟竹迤。
峰迴稍開豁。夕陽散微影。霜葉落秋澗。
寒花媚秋嶺。窮途見土屋。人烟雜墟井。
平生愛山癖。惘此愜幽靜。月落聞子規。
懷歸心耿耿。

溪之濱 周 權

青烟溼山道。牛羊下斜曛。
小雨淨川綠。亂心鷗鳥羣。拂蘚憇幽磴。
松花點衣巾。禪扃杳何處。疎磬時遠聞。

秋興亭 余 闕

涉江登危榭。引望二川流。雙城共臨水。
兩岸起飛樓。漢渚深初綠。江皋迥易秋。
金風揚素浪。丹霞麗綵舟。登高及佳日。
能賦命良儔。御者奉旨酒。庖人供膳羞。
一為山水媚。能令車騎留。為語同懷者。
有暇即來遊。

安慶郡庠後亭燕董僉事

鯨鯢起。襄漢郡。邑盡燒殘。茲城獨完好。
使者一開顏。省風降文囿。弭節遵曲干。
雙池夾行徑。累榭在雲間。天淨群峰出。
地迥蒼江環。霞生射蛟臺。雁沒逢龍山。
開樽華堂上。命酌頰危闌。主人送瑤爵。
但云嘉會難。豈為杯酒歡樂。此罷民安。
魄淵無恒彩。清川有急瀾。明晨起駭服。

相望阻重關

送友還鄉

鄭祐

墮地作兒女。有用及須早。當年懸弧意。
焉得鄉曲老。青雲一蹉跎。髣髴日已皓。
常恐歸去遲。心焉怒如擣。我家東吳城。
翠竹森若葆。力耕輸王稅。妻子亦溫飽。
詩成每獨咏。觴至或共倒。富貴將焉如。
歲晏聊自保。蕭蕭風前柳。買買霜下草。

有官固當歸。無官歸亦好。

遊虎邱

郭麟孫

海峰何從來。平地湧高嶺。去城不七里。
幻此幽絕境。芳遊坐遲暮。無物惜餘景。
樹暗雲巖深。花落春寺靜。野草時有香。
風絮淡無影。山行紛遊人。金翠競馳騁。
朝來有爽氣。此意獨誰領。我來極登覽。
妙靈應自省。遙看青數尖。俯視綠萬頃。
逃禪問點石。試茗汲憨井。意行忘步滑。
野坐怯衣冷。聊為無事飲。頗覺清晝永。
藉草方醉眠。松風忽吹醒。

行農洛西題王居仁山堂春晚

盧摯

幽人持所見。曠然捐世故。豈薄軒冕榮。
正有林壑趣。興居惟自適。早晏常暇豫。
芳草澤氣春。鳥鳴嵐光曙。巖花抗韶容。

溪雲澹吾慮。圖史敦夙好。朋遊非外慕。
招邀具雞黍。笑言在農務。我來忝符竹。
行田課耕助。撫卷懷清風。長吟山郭暮。

送林彥清歸永嘉 柯九思

雁蕩接銀漢。翠湧生高寒。芙蓉散秋錦。
飛落秋雲端。我昔造絕頂。天濶路漫漫。
遙瞻廣寒殿。素娥正憑闌。白兔擣月魄。
指顧成神丹。因招宋成公。吹簫乘紫鸞。

俯視九萬里。元氣青團團。別來知幾時。
弱水如平灘。忽遇雁山客。霞佩青蓮冠。
還入雁山去。玉髓供晨餐。報我舊遊者。
久待凌烟巖。吾患為有身。南望空長歎。
宿先公房曉起偶成

高明

曉雨池上來。微風動寒綠。幽人睡初起。
開牕見修竹。西山帶曾雲。隱隱出林木。

境寂塵自空。慮淡趣常足。獨坐無晤言。
流泉下深谷。

賦幽慵齋

閉門春草長。荒庭積雨餘。青苔無人掃。
永日謝軒車。清風忽南來。吹墮几上書。
夢覺聞啼鳥。雲山滿吾廬。安得嵇中散。
尊酒相與娛。

夜坐懷孝常

周砥

待月下石壁。罷琴竹間亭。坐絕百蟲響。
旅懷纔夜寧。天高玉露瀉。草木流晶熒。
四山湛秋色。萬物無隱形。風蟬抱葉落。
雪鶴迎雲停。此時西澗人。柴門久已扃。
誰同展清會。念此風泠泠。世難避空谷。
憂思同醉醒。偶適不為貴。人生易飄零。
茫茫河漢流。熒惑光衆星。干戈未衰息。
前途杳冥冥。歲晏有結托。東去浮滄溟。

池蓮詠

倪瓚

迴翔波間風的歷葉上露清池結素彩
華月映微步雲陰花房歛雨歇芳氣度
欲去拾明璫踟躕惜遲暮

漁父曲

葉顥

雨過暮雲收江空涼月出輕蓑獨釣翁
一曲秋風笛宿鷺忽驚飛點破烟波碧

江天暮雪

陳孚

長空卷玉花汀洲白浩浩雁影不復見
千崖暮如曉漁翁寒欲歸不記巴陵道
坐。睡。船。自。流。雲。深。一。簑。小。

宿田家

何中

村暗烟火生林深雞犬靜稻花如積雪
月色澹相映隣家夜汲歸寒蟲滿幽徑
七言古

湖北驛中偶成

馬祖常

江田稻花露始零。浦中蓮子青復青。楚
船桐龍來買酒。十幅蒲帆上洞庭。羅衣
熏香錢滿篋。身是揚州販鹽客。明年載
米入長安。妻封縣君身有官。

奉酬段御史登岳陽樓之作時今

理盜賊至海康

范梈

誰能手鋪湘水平。剗却君山看洞庭。昔
人已騎黃鶴去。樓前亂芷春蘭青。豈知

繡衣後千載遠違。鳳闕來江城憑高弔
古落日紫。領客置酒開雲屏。酒酣點筆
賦新句。薄海傳誦令人驚。憶我初遊白
玉京。與君聯步趨承明。手宣皇猷敷帝
績。濟濟學士如登瀛。一行竟墮萬里外。
回首滄浪思濯纓。守官區區事無補。惟
有白髮欺人生。牂牁水外萬竹底。四時
鳥語烟邊鳴。忽忽此地復相見。恍如幽

元言別集卷之七
夢來仙靈中宵秣馬不遑暇君又北鄉
予南征如茲後會復何日念之使我雙
涕零宮中聖人摠四溟所過海岳須燈
清鐵冠峨峨望天下青霄快展皆修程
由來豺虎伏仁獸况有鷹隼當秋橫明
夜相思隔雲雨月落高臺聞笛聲

曹將軍下槽馬圖

揭傒斯

曹霸画馬真是馬宛頸相摩槽檻下卓
犖權果如此豈有世上無知者朱絲
不是凡馬韁天閑十二皆龍驤曾從天
子平四方畫圖彷彿餘驪黃華山之陽
春草長

芙蓉曲

薩都刺

秋江渺渺芙蓉芳秋江女兒將斷腸絳
袍春淺護雲暖翠袖日暮迎風涼鯉魚
吹浪江波白霜落洞庭飛木葉盪舟何

虞采蓮人。愛惜芙蓉好顏色。

登樂陵臺倚梧桐望月有懷南臺

李御史藝七夕後一日也

涼風吹墮梧桐月。瀉水泠泠露華白。樂陵臺上悄無人。獨倚梧桐看明月。月高當牛桐陰直。不覺衣沾露華溼。此時却憶在金陵。酒醒江樓聽吹笛。

范寬山水

張翥

憶昔往尋剡中山。南明天姥相縈盤。安路上頭穿鳥道。行人脚底踏風湍。旦寒露重多成雨。洩霧濛雲互吞吐。僕夫相呼巖壑間。空響應人作人語。溪窮斷岫地忽平。石門壁立如削成。隔水無數山花明。中有人家雞犬聲。向來老眼曾到處。此境俱作桃源行。百年留在范寬筆。水墨精神且蕭瑟。上有翰林學士之院。

章恐是宣和舊時物。林猿野鶴應自在。
令我相見猶前日。時平會乞閑身歸。一
壑得專吾事畢。

馮公嶺

許謙

層巒疊嶂危相倚。亂石飄風湧秋水。寒
松荒草間蒼黃。照眼崢嶸三十里。初如
井底觀天門。一峯巍然中獨尊。縈回百
折至絕頂。俯視衆嶺來兒孫。人言此山

插霄漢。馬不容鞭。僕夫嘆攀援。何異蜀
道難。氣竭神疲。背流汗。孰視徐行路。覺
平心寬意適。步更輕。志須預定。自遠到
世事。豈得終無成。我來正直窮。冬月倚
秋巖。前嚼松雪。午店烟生野飯香。陽坡
日近梅花發。寄語悠悠行路人。乾坤設
險。君勿嗔胸中芥蒂未盡去。須信坦道
多荆榛。

裁衣曲

陳基

殷勤織紉綺寸寸成文理裁作遠人衣
縫縫不敢遲裁衣不怕剪刀寒寄遠惟
憂行路難臨裁更憶身長短只恐邊城
衣帶緩銀燈照壁忽垂花萬一衣成人
到家

東門行

張憲

東都門外古今稀東宮二傅同日歸百

官祖道設供帳勅賜黃金作酒資歸來
日日會親友盡賣賜金買醇酒白頭副
傅蕭望之也空勞勞一杯鷓羽不就獄博得
君王祠少牢

陳橋行

唐宮夜祝口烈憂民一命通天闕帝
星下射甲馬嘗紫霧紅光掩明月殿前
點檢作天子方頤大口空誅死重光相

盜兩金烏十幅黃旂上龍體中書相公
掌穿爪不死不忍秘鴻寶畫瓠學士獨
先築禪授雄文袖中草君不見五十三
年血載塗五家八姓相吞屠陳橋亂卒
不擁馬撫掌先生肯墜驢

咸淳師相

咸淳師相專軍國堂吏館賓供羽翼諸
司百職聽使令臺諫承顏言路塞輪舟

五日一人朝湖山佳處多逍遙諛言佞
語頌功德邊事軍聲聽寐寐半開堂連
多寶閣歌姬舞妓相歡樂十年國勢盡
傾摧猶謂師臣堪付托師臣師臣躬督
兵珠金沙頭鑼一聲十三萬人齊解甲
寡婦孤兒俱壯行君不見黯淡溪流東
復東木棉花開生悲風師臣不忍馬革
裹上有人能拉胸

溪山春雨圖

下思義

野人結屋臨溪上。溪上白雲生。疊嶂城中車馬自紛紛。朝聽樵歌暮漁唱。雲林
變。翹春日低。小橋流水行人稀。桃花落盡春何處。風雨滿山啼竹雞。

送杭州經歷李全初代歸

潘純

東家老人語且悲。年却憶垂髫時。王

師百萬若過客。青蓋夜出人不知。巷南巷北癡兒女。把臂牽衣學番語。高樓急管酒旗風。小院新聲杏花雨。比來官長能相憐。民間蚊蝶飛青錢。黃金白璧馱西馬。明珠紫貝輸南船。繁華消歇如翻掌。宮中賦歛年年長。里巷蕭條去不歸。華屋重門結蛛網。語中嗚咽不欲聞。道旁虎狼方紛紛。麒麟鳳凰那復得。使我

元詩別裁集卷之七
益重髯參軍參軍在官近一考素髮蕭
蕭坐成老上言掣肘下吏罵賴有閭閻
獨稱好杭州公事天下繁大才處決無
留難參軍累官日益貴何術可使斯民
安

殺虎行

楊維禎

劉平妻胡氏從平戍零陽平為
虎擒胡殺虎爭夫千載義烈有

足歌者為賦是章

夫從軍妾從主夢魂猶痛刀箭創瘡况乃
全軀飼豺虎拔刀誓天天為怒眼中於
菟小於鼠血號虎鬼冤魂語精光夜貫
新阡土可憐三世不復仇泰山之婦何
足數

五王行春圖

張昱

開元天子達四聰羽旄管籥行相從當

時從駕驪山者宰相猶是璟與崇華萼
中雲氣裏兄弟同眠復同起玉環一
旦入深宮太枕長衾冷如水興慶池頭
花樹邊梨園小部俱嬋娟楊家姊妹夜
遊處銀燭萬條生紫烟寧知樂極哀方
始羯鼓未終鼙鼓起袞斜西幸雨淋鈴
回首長安幾千里

長相思

郭珏

長相思相思者誰自從送上馬夜夜愁
空憶曉窺玉鏡雙蛾眉怨君却身憐君
時湖水浸秋藕花白傷心落日鴛鴦飛
為君種取女蘿草寒藤長過青松枝為
君護取珊瑚枕啼痕滅盡生網絲人生
有情甘白首何乃不得長相隨瀟瀟風
雨喔喔鳴雞相思者誰夢寐見之

五言律

早行

方夔

早起理歸裝。殘燈耿曙光。開門半山月。
立馬一庭霜。鐘響知雲寺。波聲認石梁。
修途留不住。去去出山莊。

抱琴

黃潛

三尺枯桐樹。相隨年歲深。此行端有意。
何處托知音。隱隱青山夜。寥寥太古心。
空携水仙曲。更向海中岑。

陪仇仁父先生登石頭城

談笑逢諸老。登臨失故亭。薄遊成汗漫。
高步覺崢嶸。峽水通吳白。淮山入楚青。
平生一杯酒。及此慰飄零。

野趣

周權

地偏居自穩。石路接平田。雲合茅簷樹。
雨添花澗泉。空山晴滴翠。遠水綠生烟。
與酒青林度。斜陽輭客船。

元詩別集卷之補遺 三

呂公亭

余闕

鄂渚江漢會。茲亭宅其幽。我來窺石鏡。兼得眺芳洲。遠岫雲中沒。春江雨外流。何如乘白鶴。吹笛過南樓。

夜半舟發丹陽

陳高

舟子貪風順。開帆半夜行。天寒四野靜。水白大星明。長鉞歸何日。浮萍策此生。柁樓眠不穩。起坐待雞鳴。

聽袁子方彈琴

倪瓚

蕙帳凝夕清。高堂流月明。芳琴發綺席。列坐散繁縷。廻翔別鶴意。縹緲孤鸞鳴。一窻冰霜探。掩抑寄餘情。

雨後晚行

何中

棲鳥黃昏後。歸牛蒼莽間。水明疑有月。烟淡欲無山。幽谷元非隱。高人自喜閒。徘徊不能去。莎碧更荒灣。

元詩別集卷之補遺 七律 三

七言律

題吳實齋壯山別業

黃庚

北山佳境勝南山。乘興登臨眼界寬。
樵斧伐雲春谷暗。漁榔敲月夜溪寒。
一區池占林泉勝。四面天開圖畫看。
竹屋數間塵不到。主人日日凭闌干。

登泰山

張養浩

風雲一舉到天關。快意生平有此觀。
萬古齊州烟九點。五更滄海日三竿。
向來井處方知隘。今後巢居亦覺寬。
笑拍洪崖咏新作。滿空笙鶴下高寒。

費無隱丹室

虞集

碧雲雙引樹重重。除却丹經戶牖空。
一徑綠陰三月雨。數聲啼鳥百花風。
深不記栽桃客。夜靜長留賣藥翁。
幾度到

采渾不語獨依秋色數歸鴻

送韓伯高食憲湖西

正月樓船過大江海風吹雨濕船牕雲
消虹霓橫山閣潮落壺壺避石砭闕下
諫書誰第一濟南名士嘗無雙湖陰暑
退多負鳥應勝愁吟對怒瀧

暮春遊西湖壯山場載

愁耳偏工著雨聲好懷常恐負山行未

辭花事駸駸盛正喜湖光淡淡晴倦憇
客猶勤訪寺幽棲吾欲厭歸城綠疇桑
麥盤櫻筍因憶離家恰歲更

上巖寺訪一公黃潛

曉色微茫尚帶星修蹊犖确斷人行獨
文瘦竹身猶健高人重雲地忽平落月
正當山缺虞細衆頻作雨來聲上方燈
火青林曲隱隱疎鐘一再鳴

元詩別集卷之七
題觀海圖

昔年解纜峯江上。初日團團水底紅。罾
吼忽搖千尺浪。鷁飛仍挾半帆風。遥看
島嶼如星散。祇謂神仙有路通。及此樓
身萬人海。舊遊却在畫圖中。

層樓晚眺

薩都刺

廣寒世界夜迢迢。醉拍闌干酒易消。河
漢入樓天不夜。江風吹月海初潮。光搖

翠幕金蓮炬。夢斷涼雲碧玉簫。休唱當
時後庭曲。六朝宮殿草蕭蕭。

春日野步書田家 宋 元

翳日橙陰翠幄遮。葑園高下奕枰斜。陂
塘築曲深淺水。桃李一溪紅白花。赭尾
自跳魚放子。綠頭相並鴨眠沙。春郊景
物堪圖寫。輸與烟樵雨牧家。

聞歸集賢遠引奉簡一章

張翥

故舊相看逐逝波。思歸無路欲如何。將
軍每嘆檀公策。朝士徒悲穆氏歌。南海
明珠來貢少。中原健馬出征多。先生自
說將高舉。不遣冥鴻到尉羅。

風涇舟中

貢師泰

白髮飄蕭寄短蓬。春深杯酒憶曾同。落
花洲渚鷗迎雨。芳草池塘燕避風。烽火

此時連海上。音書何日到山中。故人別
後遙相望。夜夜空隨斗柄東。

秋夜有懷明州張子淵

廼賢

雲表銅盤挹露華。高城涼冷咽清笳。弓
刀。夜。月。三。千。騎。燈。火。秋。風。十。萬。家。夢。斷
佳人彈錦瑟。酒醒童子汲冰花。起看歸
路銀河近。願借張騫八月槎。

赤壁圖

吳師道

沈沙戟折怒濤秋。殘壘蒼蒼戰鬪休。風
火千年消伯氣。江山一幅挂清愁。文夫
不學曹孟德。生子當如孫仲謀。機會難
逢形勝在。狂歌弔古謾悠悠。

野中暮歸有懷

野田蕭瑟草蟲吟。墟落人稀慘欲陰。白
水西風羣雁急。青林暮雨一燈深。年豐

稍變飢人色。秋老誰憐倦客心。酒禁未
開詩侶散。菊花時節自登臨。

三月十五夜登迎華觀

許謙

夜深來此倚闌干。千里樓臺俯首看。月
到天中花影正。露零平地草光寒。氣清
更覺山川近。意遠從知宇宙寬。長嘯一
聲雲外落。喚家兒女夢初殘。

淮陰雜興

陳基

千里相逢淮海濱。一枝誰寄嶺梅春。老
來易感山陽笛。年少休輕胯下人。失侶
雁如秦。逐客畏寒花似楚。遺民每過百
戰瘡。瘦地立馬西風為損神。

十一月晦與同幕諸公登南高峯

因過湖上小集

落日湖頭艤畫船。買魚沽酒不論錢。共

過。天。下。登。臨。地。却。憶。官。家。全。盛。年。綠。水
映霞紅勝錦。遠山凝黛澹如烟。相携此
夕干戈際。一聽笙歌一慨然。

登金山

馮子振

雙塔嵯峨聳碧空。爛銀堆裏紫金峰。江
流吳楚三千里。山壓蓬萊第一宮。雲外
樓臺迷鳥雀。水邊鐘鼓振蛟龍。問僧何
處風濤險。郭璞墳前浪打風。

寄劉仲原經歷 陳雷

鴛鴦湖水漾晴暉。鏡裏遙峰入望微。槐
蔭午。御書帙。靜蓮香。秋幕吏人稀。青雲
步穩名逾重。白石歌長願已違。他日相
逢話疇昔。應憐憔悴不勝衣。

感事 張昱

雨過湖樓作晚寒。此心時暫酒邊尊。見
人惟恐青天墜。精衛難期碧海乾。鴻雁
信。後天上。過山河。影在月中看。洛陽橋
上。聞鶻處。誰識當時獨倚闌。

懷歸 倪瓚

久客懷歸思惘然。松間茆屋女蘿牽。三
杯桃李春風酒。一榻菰蒲夜雨船。鴻迹
偶曾留雪渚。鶴情原只在芝田。他鄉未
若還家樂。綠樹年年叫杜鵑。

望江亭懷古 吳景奎

金刹璇題入絳霄。望江猶自記前朝。羣臣痛灑新亭淚。孱主方看浙水潮。故物蒼龍蟠石柱。當時丹鳳聽簫韶。屬餽一夜英雄老。曾見鷓夷恨未銷。

殘年

郭珏

久愁兵氣漲秋林。不謂殘年寇轉深。四野天青烽火近。五更霜白鼓聲沉。金張富貴皆非舊。管樂人材不到今。江上米船看漸少。捷書未報更關心。

至正戊戌九日感懷

葉顥

風急登高野客傷。悲笳聲裏過重陽。正須擊劍論孤憤。何暇携壺舉一觴。白骨不埋新戰恨。黃花空發舊枝香。寒烟冷日東籬下。西望柴桑路更長。

悠悠江影雁南飛。黃菊飄香蝶滿枝。斜

元言男表集
日西風彭澤酒殊方異國杜陵詩烟戀
慘淡山林暮霜葉蕭疎草木悲醉後不
思時節異半欹烏帽任風吹

陪戴祖禹泛湖今韵得天字

仇遠

冉冉夕陽紅隔雨悠悠野水碧連天山
今秋色歸紅葉風約蘋香入畫船鐘鼓
園林已如此衣冠人物故依然當歌對

酒堪腸斷倒著烏巾且醉眠

平江

陳孚

滄浪亭下望姑蘇千尺飛橋接太湖故
里空傳吳稻蟹寒祠猶記晉尊鱸芙蓉
夜月開天鏡楊柳春風擁畫圖為問館
娃歌舞處鸞花還似昔年無

鄂渚晚眺

黃鶴樓前木葉黃白雲飛盡雁茫茫櫓

元詩別成集

甫貴七律

三五

聲。搖。月。歸。巫。峽。燈。影。隨。漸。過。漢。陽。庾。令。
有。塵。汗。簡。冊。裊。生。土。蓋。文。章。闌。干。只。
有。當。年。柳。留。與。行。人。記。武。昌。

懷宋庸菴

戴良

麥。秀。歌。殘。已。白。頭。逢。人。猶。是。說。東。周。風。
塵。瀕。洞。遺。黎。老。草。木。凋。傷。故。國。秋。祖。逖。
念。時。空。擊。楫。仲。宣。多。難。但。登。樓。何。當。去。
逐。騎。麟。客。被。髮。同。為。汗。漫。遊。

登城

周霆震

世。祖。艱。難。德。澤。深。風。悲。城。郭。怕。登。臨。九。
朝。天。下。俄。川。決。七。載。江。南。竟。陸。沉。馬。骨。
空。傳。當。日。價。雞。聲。不。到。暮。年。心。雨。餘。門。
外。青。青。草。過。客。魂。銷。淚。滿。襟。

述懷寄光遠并簡城南諸友

錢惟善

野。人。無。事。久。忌。機。肯。信。紛。華。有。是。非。花。

信欲闌。鶯百轉。麥芒初長。雉雙飛。書中
歲月仍為客。枕上江山屢夢歸。時復思
君倚深樹。不知殘雨溼春衣。

送陳衆仲之官翰林應奉

畫鷁齊飛。發棹謳泛。江幾日過揚州。曉
雲最白。梅花驛。春雨初香。杜若洲。一代
文章。關氣運。十年館閣。擅風流。綠波草
色連天遠。不是尋常送別愁。

飲濡須守子衡君宅

李孝光

客子東來向西楚。河流兀兀舞輕舠。雪
消巢縣。青山出。雨後焦湖。春水高。賴有
使君持玉節。未須故舊問綈袍。眼中賀
監文章伯。又使時人見鳳毛。

八月十六日送張仲舉至秦郵驛
是夕邵文卿置酒雲峰臺望月二

首錄一

雲峰臺上今宵月。奇絕平生此一行。天
水光。搖秋萬頃。星河涼。轉夜三更。謫仙
被酒騎鯨去。游女吹簫學鳳鳴。明發星
查上河漢。定傳詩話到蓬瀛。

環碧齋

面面溪光護石苔。軒墀無復有塵埃。
虛白浮秋去。水泛空青入座來。漁釣。

兒孫多質朴。嘯歌鷗鷺不驚猜。我家亦
住滄江曲。千個篔簹繞舍栽。

秋日閑詠

馬臻

西湖晴雨畫圖間。坐倚闌干自解顏。無
酒可供千日醉。有錢難買一生閑。草衰
春色來時路。鶴宿秋聲起處山。橫笛吹
殘天又晚。釣舟燈火入蘆灣。

范以善雲林清遠館

張雨

華陽范監居幽眇。不到元牕未易逢。山
氣半為湖外雨。松聲遙答嶺頭鐘。常聞
神女騎龍過。亦有仙人控鶴從。安用乘
流三萬里。小天元在積金峰。

七言絕

題立仗馬圖

柳貫

玉立彤墀氣尚麤。食殘芣豆更何須。太

平未必閑無用。一幅君王納諫圖。

遊會仙宮

薩都刺

霏霏涼露溼瑤臺。半夜吹簫月下來。山
外春風將雨過。滿庭撩亂碧桃開。

題淮安壁間

魚蝦溼溼初出網。梅杏青青已著枝。滿
樹嫩晴春雨歇。行人四月過淮時。

秋詞

清夜宮車出建章。紫衣小隊兩三行。石
闌干畔銀燈過。照見芙蓉葉上霜。

雨後雲林圖

楊維禎

浮雲載山山欲行。橋頭雨餘春水生。便
須借榻雲林館。卧聽仙家雞犬聲。

湖邨葦即事

惟則

竹根吠犬隔溪西。湖雁聲高木葉飛。近
聽始知雙橈響。一燈浮水夜船歸。

終

